



Albertus cognomēto Magnus in Sueuia clarissimis parentibus ex familia Bolstatēsiū Anno Christi millesimo ducentesimo nonagesimo tertio in agro Lauingensi natus est. Hunc cum parentes literis destinarent, breui tempore omnes alios æquales suos longē superauit. Tandem eius eruditio adeò accreuit, ut cum summis antiquis philosophis, ipso inquam Aristotele & Varone conferri potuerit. Totum enim literarum diuinarum & humanarum circulum emensus, omnibus alijs miraculo fuit. scripsit Dialectica, Mathematica, Physica, Ethica, Methaphysica, Medica, Magica, & Theologica (quorum ordinem Trite-

mīus recenset) eaq̃ adeò exquisita, ac si unī tantū operam nauasset, & cætera non attigisset. Primus etiam Latinorum in omnes Aristotelis, Euclidis, Petri Lombardi, & aliorum huiusmodi authorum libros commentaria scripsit.